



Shkodër, 06.11.2023

Shume të dashur meshtarë dhe motra,

Duke uruar që puna dhe shërbimi juaj të shkojë sa më mirë, gjej rastin t'ju falendëroj edhe për përgjigjen pozitive që vitin e kaluar i keni dhënë bamirësisë së Kishës duke treguar gatishmërinë tuaj bujare për lëmoshën e Ditës së Caritasit 2022. Jam i sigurt se edhe ju vetë vazhdoni të ndihmoni në forma të ndryshme në realitetet e famullive tuaja duke zbutur sadopak varfëritë e ndryshme në dioqezën tonë.

Në këtë linjë, Caritasi Dioqezan mundohet që në forma të ndryshme të jetë promotori dhe nxitësi i frymës së bamirësisë së Kishës. Kështu, falë bashkëpunimit tuaj dhe nxitjes së vazhdueshme të kësaj fryme, jemi të thirrur që të jetojmë dhe të shpallim porosinë e Shën Nënë Terezës duke ndihmuar të varfërit ndër më të varfër.

Këtë të **diele me 17 dhjetor i bie Dita e Caritasit**, njëherazi është edhe e diela e tretë e Kohës së Ardhjes, ose siç quhet ndryshe edhe e *Diela e gëzimit*. Mendoj se, bamirësia ndaj të varfërve kthehet në gëzim për të gjithë ata që i kanë humbur shpresat dhe që në këtë kohë të shenjtë ta gjejnë gëzimin e vërtetë në dashurinë e Krishtit fëmijë.

Ju ftoj që në meshët që do të kremtoni këtë të diele, t'i caktoni një vëmendje të veçantë

Ditës së Caritasit duke i nxitur besimtarët që ta hapin zemrën ndaj të varfërve.

Ju kujtoj që lëmoshat e mbledhura në këtë ditë mund t'i dorëzoni tek zyrat e Caritasit në ditët në vazhdim.

Duke ju falënderuar edhe një herë për bashkëpunimin, lus Zotin bashkë me ju që ardhja e Jezusit të sjellë gëzim në jetën e të varfërve dhe në jetën tuaj.

Dom Gjovalin Simoni

Drejtor i Caritas Shkodër-Pult

